

## Q U Æ S T I O M E D I C A.

Quodlibetariis disputationibus manè discutienda in Scholis Medicorum, die Jovis 18. Decembris.

M. ALEXANDRO PETRO MATTOT, Doctore Medico, Præside.

*An qui facile lacrymantur, Ingeniosi?*

**H**OMO Constat ex corpore, & animâ: quæ duo multùm à se discrepant. Hæc immortalis omnique expert materia cum corpore mirè coit, quod suo quasi numine, & præsentia movet, & impellit: quæcumque in humano corpore eliciuntur actiones, huic soli acceptæ referendæ sunt; frustra ad varias animæ facultates, omnium operationum principia confugas; unica est anima, quæ suis instructa organa obit vitæ munia, in vasis nutritiis alimentum univerfis nutritrix provida cudit, paratque partibus, paratum arteriarum ope desert, quo partes affatim nutrantur, alimentumque capeant; in renibus serum segregat à sanguine, in cerebro apprehendit, intelligit, & recordatur: qui animam cum temperamento confundunt, de eâ censent humiliti, ipsi est coelestis origo, corpore soluta, sui quidem est juris, corpori verò alligata, vices & vicissitudines subit ergastuli, compedibus corporis quasi involuta, morè gerit materiei, & spirituum corpusculorum alioquin tenuissimorum, atomorum si velis, faventibus auxiliis, tota in toto, & tota in quolibet parte, pro perfectiori, aut imperfectiori organorum conformatione, & iustâ, vel indebita temperiei dispositione, alacriter, aut desidiòse operatur; unde mirabilis animæ cum corpore agendi modus, quod absque alterius substantiæ interventu, intimè conjungatur corpori, vel minimis ipsis informet particulas, quibus ita copulatur, ut suos sibi vicissim affectus communicet, adeo ut alterutro laborante, utrumque doleat necesse sit, ac vicissim alterutrum alterius integritate vigeat; altera sic alterius poscit opem pars, & conjurat amicè, unde mens sana in corpore sano: cumque sibi mutuo opulentur corpus & anima, illudque ad agendum organa suppediet, pro diversâ horumque organorum dispositione, eam diversè modè agere necesse est, unde expeditiò in his; hebetus in illis operatur: felices qui debitam cerebri structuram, æquabilem humorum temperiem nati sunt, his facilis apprehensio, felicius judicium, felicissimus discursus, unde mens ad quælibet agenda expeditior, unde ingeniosior.

**I**NGENII felicitas, felicitas maxima: unusquisque illud in suas trahit partes. Stolidus nullo plaudente sibi gratulatur, seque nullum ingeniosorem reperiri posse non minus audaciter quàm ridiculè interdum proficitur, adeo sibi student homines; tantùmque in rebus inane. Cave interim ne se culibet ingeniosum professio, statim fidem adhibeas, quibusdam etenim occurrat ut plurimum hominibus, qui adultèrinâ verborum lenitate, nec non corporis præstantiâ pollentes, ingeniosos ementiri videbuntur, umbratiles quosdam addendo sermoni lepores, ad quos si attendas; nihil esse præter verba, voceque fateberis; ingenium nobis à natura non ab arte datum est, longè æquidem experienciâ, longo usu, improbo labore, assiduâ scientiarum indagatione, politur, explicatur, non conceditur. Ea tamen est hominis superbia ut cælum stultitiâ petat, futuræ præco sit perpetuus, in arte quam proficitur, quod temeritatis argumentum, præstantiori haberi cupit, aliena indefinenter d-spiciens, sua verò dicta, facta ve probans continuo: Qui tanta de se prædicat, multas ad ingenium requiri dotes non novit, quæ ipsius sint comites individua: desideratur sanguinis debita temperies, maxima spirituum elaboratio, cerebri mollities undique à spiritibus permeabilis, ut objectorum species citius, faciliusque cerebro imprimantur, maxima spirituum copia, qui per nervorum tubulos jugiter decurrant, nervorum fibrillarumque tenuitas, quæ motui sit aptissima: insuper quinquè sensuum laudabilis affectio, qui sint fidelissimi operationum, quarum anima debet esse cōicia, internuntii: apud eum qui superbiam habet adjunctam, facilius (quod præcipuum est) laborat lacrymarum profluvio, hæc dotes desiderantur: unde ingenii hebetioris censendus.

**O**CULUS palpebris tanquam velis obducitur, quarum superior sæpe nectitur, ut humore suo globum oculi identidem perfundat, eaque sola est mobilis: duplici musculo instruitur: quorum unus palpebram attollit, alter deprimit. In hos musculos tum quinti, tum sexti paris nervuli sparguntur: illicque juxta varios animi motus palpebras movent: ex oculis lacrymæ ut meroris nonnunquam lætitiæ, sic & hebetioris ingenii certi stillant indices, harum originem quidam ex cerebro repetunt, at male: nullum enim cerebrum inter, & oculos foramen commune, nervi cateraque vasa oculorum foramina exactè occludunt; aliunde ipsarum profluvium repetendum venit in exterioris anguli parte superiori conglomerata latet glandula, in variis veluti lobulos dissecta, hæc emittit vasa excretoria, quæ tunicam anteriorem palpebræ variis foraminulis non longè à ciliis pertundunt, huic glandulæ altera subjacet mole minor, è quâ nascuntur octo vasa, quæ in tunicam adnatam inferuntur, ex his vasis humor stillat, cum parciò, non deprehenditur, sed ubi cum impetu prorumpit, lacrymæ dicuntur: quæ verò in interiore angulo sita est caruncula, glandula lacrymalis improprie nuncupatur, est sacculus quidam membranofus, in quem puncta lacrymalia ex duobus aut tribus vasis palpebræ interiori insertis efformata, effundunt liquorem oculos alluentem, qui inde in fletu stillat in nasum per canalem in os pervium; insuper observantur in ciliòrum radicibus innumera glandule flavo flavo colore conspicuæ, quæ in coronæ modum disponuntur, quæ liber glandula in sui medio tubulum profert, qui extrossim aperitur inter radices pilorum, è quibus cilia componuntur: lacrymæ modicè fluentes non villioris momenti, oculorum siccitati obstant, inserviunt cornæ pellucidat, ubi frequentiores, pessimi existunt ominis.

**L**ACRYMARUM materia sanguis, liquor non homogeneus, & simplex. Hunc bile, melancholiâ, pituitâ, & sanguine propriè dicto constare veteres existimant: recentiores verò quidam, spiritu, sulphure, sale, phlegmate, & capite mortuo: humorem frigidum, & humidum quem pituitam vocant materiam lacrymarum proximam censent antiqui, recentiores serum, phlegma vocant; quod una cum sanguine confusum motu circuitus per arterias ad glandulas prædictas oculorum fertur, in quibus à reliquo sanguine separatur, non vi fermenti, sed solâ pororum cum seri particulis configuratione: nulla enim ope fermentorum in corpore transcolat; frequentiores aut parciore sunt lacrymæ, pro ut uberius aut parcius phlegma reperitur in sanguine, aut prout glandularum lympham asservantur tonus firmior, aut laxior: ut serum in sanguine luxurians, oculorum glandulas perfundit lacrymis uberioribus, sic ulterius ascendendo corticem cerebri quæ glandularum congeries, spiritibus transcolandis animalibus dictatam sero inundat, unde spiritus qui intra glandulas sero madentes continentur, sunt torpidi, lenti, & ad motum inhabiles, eoque segniore quò ex sanguine vappidior generantur: quæmadmodum enim ex vuarum succo immaturo non benefermentato, phlegmate nimis diluto, qui eliciuntur spiritus sunt admodum vappidi & inertes; sic ex quasi immaturo parumque fermentato sanguine, sunt spiritus torpidi, & debiles: unde sua tardius obeunt munia, sive à cerebro in partes emittantur, sive à partibus in cerebrum remeant.

**U**T ex quolibet ligno non fit Mercurius, sic ex quolibet temperamento non elucescit ingenium; non omnibus ex meliori luto finxit præcordia Titan, nec cunctis ingeniosum nasci datum est: inter eos quos Natura nascentes iniquè respexit, non immeritò veniunt annumerari qui facile lacrymantur, hinc non habent unde sibi gratulentur, gratiasque agant Naturæ, ii enim fusis & acubus tractandis longè aptiores nati sunt, quàm ad aliquid ingeniosè promendum. Sique ad rem propius attendas, id habent cum mulierculis commune (quarum sicut corporis, sic & ingenii minor est virtus) quod de re vel minimâ erumpant in lacrymas, quæ enim lacrymarum causa in mulieribus, eadem & in viris; at unde amabo ille lacrymarum in hoc ce sexu facilis profluvius, nisi ab ingenii imbecillitate, unde ingenii imbecillitas? nisi à nimis exuperante sero, molemque liquante sanguineam: nonne eodem jure infantes, & ætate proveciores ingenio carere dicendi sunt, quòd facile confugiant ad lacrymas, nec ab iis sibi possint temperare, propter ferosi humoris fecuritiginem, quâ tota oculorum glandulæ, totaque cerebri substantia inebriantur, unde ipsorum anima minus apprehendit, meminit, & dijudicat, ut enim sua perbellè obeat vitæ munia certa quædam cerebri structura, dispositio, & temperies debet adesse, certa nervorum, fibrillarumque vis elastica, certus spirituum motus, ita ut soli temperatissimo ingenium videatur competere.

*Non ergo qui facile lacrymantur, ingeniosi.*

DOMINI DOCTORES DISPUTATURI.

*M. Paulus de Toullic.**M. Joan. Bapt. Renatus Moreau, Professor Regius.**M. Nicolaus Pelletier.**M. Renatus Le Comte.**M. Franciscus Assory.**M. Nicolaus Juvanczy.**M. Petrus Daquin, Medicus Regiæ perpetuò ordinarius.**M. Joannes Cordelle.**M. Petrus Von.*

Proponebat Lutetiæ JOANNES BAPTISTA GABRIEL FRESSANT, Parisinus, Baccalaureus Medicus. A. R. S. H. 1692.